

釋史據遺卷十目錄

吳郡李

瑤子玉纂

齊書

武臣列傳

李定國

斬統武

鄭成功

子經孫克塽

案前史原例中以孫可望降附

本朝例不得載詳於李定國傳以李成棟事屬無始但於其子元胤傳中見諸以鄭氏父子祖孫仿吳越世家例專合一傳之此三者溫氏屬

撫遺卷十目錄

一

存其說攷諸舊文盡湮失矣夫定國起家艸澤坎坷從王其能拔志盡瘁沒身不渝彼孫賊豈得與之並議哉李成棟有終無始鄭芝龍有始無終其揆一也唐王之於鄭氏初則倚若長城芝龍開府安平私權洋稅富與國侔乃竟棄主如遺棄家不顧成功不得已以子叛父入海後則自成一家已雖陽奉粵朔而設官興寇久稽天討直與永明痛癢無關今各據其畧以備參觀以副佚史之志至成棟擾亂粵中覆土毒民

奉王後又塊然負職忌瞿留守則疏請召還援
金聲桓則中道醉成俱旁見佗傳其子元胤怙
勢攬權勾黨歛賄於五虎事間亦畧書厥狀佗
復無可紀錄也茲姑從簡

釋史撫遺卷十

列傳十

李定國字鴻遠延安人與孫可望艾能奇劉文秀同爲獻忠義子賜張姓與衆徇行諸郡縣賊性喜殺亂蜀時立賞格凡部卒日得男壯手足二百雙者授把總女倍之童穉不計官以次進階寅出酉還以爲常可望輩遂皆至將軍歲丙戌我

大清兵勦獻賊於西充之鳳凰坡定國時僞稱撫南將軍與可望能奇文秀及僞都督白文選馮雙禮等

撫遺卷十

招集殘寇由重慶南窺明年丁亥春破遵義入貴州可望赴雲南救沙定洲之亂令定國分兵襲臨安臨安爲沙部李阿楚駐守拒戰甚力定國乃穴地置砲砲發城陷阿楚赴火歿城中士民悉被屠復圍晉寧及昆陽呈貢歸化晉寧知州冷陽春呈貢知縣夏祖訓等俱歿之江川知縣周彙強率兵拒於撫仙湖戰敗一軍盡殲迤東諸郡屠勦之慘不亞於蜀也時永明王立肇慶詔令不及至可望已據有全滇妄自尊還至黔中自稱平東王故在籍御史任僕禮部主事

方于宣倡議尊爲國主設內閣九卿六部科道官卽以僕爲吏兵二部尙書于宣爲翰林編修製鹵簿定朝儀擬僞號爲後明以干支紀年改印篆九疊鑄錢文曰興朝通寶定國等皆自名爲王寅四王府盡撤昆陽呈貢二城輒石爲之又毀民居萬餘間作演武塲收各路工技悉歸行伍隱然謀竊大號然定國能奇輩猶儕眎之定國尤倔強遇事相亢可望思所以示威與文秀尙爲計於己丑春以演武塲縛定國聲其梟杖之百已復相抱哭令取沙定洲自贖定國

心憾之念兄事久未可造次發難輒領所部馳至普洱討定洲圍以木城絕其水道閱五旬諸蠻思降者相續乃禽定洲及其屬數百人出回至省剝其皮號令通衢黔國公沐天波來具禮謝雪不共讐凡滇人之櫻沙毒者咸稱快焉定國旣并蠻部聲勢益強可望遂無以爲制獨霸之念于是乎沮會聞粵東有君乃具表奉朔求封爵孫李之隙自此始永明王初封定國爲侯尋進公壬辰春王居安龍進封西寧王大清遣定南王孔有德統師南伐有德分重兵駐柳

州爲聲援已以七百騎趨河池州入黔定國乃與馮
雙禮由黎平出靖馬進忠由鎮遠出沅期于武岡會
圖桂林有德還軍入桂林城守遇於全州戰不利叛
將陳邦傳及其子曾禹獲之送貴州去其皮勳之有
德自經歎是時定國軍威壯盛不復受可望節制可
望忿甚已而有衡州之敗可望遣使達召將以其敗
也殺之定國覺不赴進攻靖沅武岡不下乃疾走粵
西初追定國雙禮邀擊定國定國禽而釋之故雙禮
得傾心以事明年癸巳春可望自將精騎追定國

大兵抵寶慶猝與之遇雙禮將左文選將右而可望
建龍旂列鼓吹大兵急攻之大敗奄惟雙禮軍不
動大兵引還乃以武寶之間爲界定國遂據守粵
西時王在安龍日就窮促憂思加殷可望又盡撤舊
立太廟括取近省田畷鹽井之利以官四民六爲令
王迺岱與大學士吳貞毓中官張福祿全爲國等謀
遣給事中林青陽賫敕赴定國營進封晉王令統兵
入扈定國奉詔感泣許以身報王復鑄屏翰親臣金
印賜之已而馬吉翔洩其謀於可望甲午春可望遣

使詣王所索同謀者吉翔與內監龐天壽助之自貞
毓而下十八人俱被害可望憾定國益深定國亦恐
其來襲因出掠廉雷破高州進攻新會爲大兵敗
而奄乙未退守南寧可望攻常德亦敗歸王起居日
困諸將吏希可望指率無人臣禮丙申春定國敗可
望兵于田州將迎王入滇可望偵知趣令白文選至
安隆劫王赴黔合官皆慟哭從官亦哭文選雖爲可
望用而心不直其所爲乃告王曰姑遲之候西府
至西府者定國也定國至乃奉玉由安南衛西趨雲

南滇中守將爲劉文秀王尙禮王自奇等文秀亦數
怨可望遂率騎私出迓沐天波亦來迎王入城居可
望第中定國亟令收吉翔將殺之吉翔復媚事之以
免尋與天壽仍用事王封文秀爲蜀王尙禮自奇亦
封公封文選鞏昌王文選還可望怒其二於晉也盡
奪其衆而譏之然以家口在滇未敢反明年丁酉夏
王命張虎歸其妻子秋七月孫賊遂舉兵反詔削其
爵九月定國文秀軍於三岔河與賊夾交水爲陣孫
賊揣會城必虛別遣部下馬賓張勝由尋甸襲雲南

自將勁卒與定國鬥兵方合賊衆大呼迎晉王一軍
瓦解其大將白文選馬進忠馬維興等悉叛歸晉軍
而龔雲南之將馬寶亦來降惟張勝抵城下尙禮將
內應天波知之守以兵得不發定國還師禽勝於渾
水塘殺之尙禮仰藥歿於是文秀文選合兵窮追賊
賊狼狽入黔挈妻子奔長沙投我經畧洪承疇軍前
以降馮雙禮截其所掠子女玉帛還論功雙禮進忠
俱爵爲王其餘諸將進秩有差戊戌二月

王師自蜀楚粵三路會兵入黔報至定國分遣其將

劉正國楊武等扼守三陂紅關諸險要馬進忠駐貴
州四月王自奇關有才反定國自將討平之楚師入
鎮遠貴州告急不及救進忠遁貴州遂失蜀師至三
陂正國遁遵義亦失五月蜀師破楊武兵於開州之
倒流水秋七月朔王拜定國爲招討大元帥賜黃鉞
粵師抵獨山州十月三路兵俱集戒期入滇定國與
雙禮等扼雞公背圖復貴州令文選守七星關十二
月蜀師出遵義趨天生橋入烏撒文選思棄關奔霑
益會泗城州土司官岑繼祿導師入安隆定國遣懷

仁侯吳子聖禦之敗績乃由盤江還兵拒戰連敗於
安隆之羅炎涼水井大營妻子俱械失諸將北走不
相顧遂拔寨遁回馬寶等降報至王奔永昌己亥正
月三日 大兵入雲南王下詔舉己定國還鉞待舉
請削秩不許二月望日 大兵抵大理之玉龍關文
選戰敗從沙木和走右甸出鎮康入木邦定國令總
兵靳統武以兵四千扈王奔騰越己乃伏兵高黎貢
山中十八日 大兵次永昌越日次潞江謀洩定國
出戰勢不支退至孟艮王與馬吉翔李建泰等連夜

走之二十八日抵銅壁關緬人令從者悉去兵器以
入既而白文選屯兵木邦定國就之謀曰主上入緬
敕漢兵無入關我若深入恐生不測既萬一北兵有
警此地無險要可禦莫若妥擇邊境屯集作後圖而
文選以王左右無重兵請身入捍衛意不合定國遂
自引所部從孟艮抵猛緬駐劄前此潰衆陸續至勢
稍振未幾移營孟連賀九儀邀文選部將張國用趙
得勝等皆投歸旋約沅江土司那嵩爲恢復計孟艮
酋長思爲所并糾衆鬥定國滅之遂據其城時我

大清命帥吳三桂破沉江那嵩自焚歿事不果九儀
妻子在滇爲三桂所得令作書招之九儀將出降定
國執殺之國用得勝皆鞅鞅總兵唐宗堯紆弁也守
磨芳凡告奮勇投孟良者已悉收隸麾下商賈逞來
者財貨悉被劫由是南北道梗滇中阿瓦消息絕不
通已文選與定國別由木邦舉兵薄阿瓦阿瓦者緬
人所都也有新舊二城王居於舊而緬自處於新文
選急攻新城城無備幾破緬人給之曰三日後出此
讓王文選信之却兵十里城中得固備再攻之翻爲
所擊遂還兵至孟良會定國重逼阿瓦時庚子秋九
月也明年辛丑緬人戰守兼修夏四月定國遣使入
城求王不許相持久乃退屯三十里緬人於郊外立
木城日移而前偪寨下五月戰於垵垵定國前隊稍
却文選引兵橫截夷衆大敗遁入城定國與文選決
計渡河先駕浮橋將濟師爲緬所斷復遣都督丁仲
柳等於上流造船工將竣緬出奇兵焚擊仲柳棄船
走初定國屢購夷民具奏密請王邀計出坎且言臣
等兵不敢深入者激則恐生內變也必須善諭緬人

送之出境方爲上策諸臣在內何泄泄不以爲意也
王以璽書獎慰之先後凡三十餘疏半爲緬人所獲
不得達尋與文選議分兵進次垌鄔以十六舟攻之
復爲緬人鑿沉其五遂引還而文選部下國用得勝
以九儀之次銜定國挾文選北走將出降抵耿馬遇
定國部將吳三省三省於安隆之敗尋獲定國家口
來詣孟艮至則定國已移營及至磨芳知宗堯斃殺
之兵弱不敢深入流連孟定耿馬間文選退走抵此
見三省不言而涕三省察有變說以情質以義諸將

心復動復合軍屯於錫薄伺定國信吳三桂偵知之
亟令馬寶率兵追文選且招之三桂自引 大兵入
緬時文選已內移馬寶單騎馳及說之遂降王妃某
氏在文選營自縊歿是冬十二月朔 大兵臨阿瓦
檄緬人取王及妃三日緬酋數十突入王所連座擁
之去夜漏二十刻入三桂營 康熙元年壬寅春三
月至滇夏四月十五日王終於雲南府明絕宮眷北
去沅江總兵皮熊走水西斷粒七日不炊執至背立
不順命積十三日不食始瘞越日乃絕僂其屍熊女

夫趙默被執令具供書絕命詞與之亦受勅定國聞
王出遣將入車里邏羅諸國乞師圖復逗遛交阯境
上及聞王歿呼天慟哭昕夕祈歿六月十一日生辰
病作謂其子嗣興部將靳統武曰任歿苑徼無降也
越數日定國卒統武尋亦歿嗣興迺以所部降

摭遺曰管蕞鄉董氏盲定國拔身羣盜之中秉忠
反正盡瘁事國乃至崎嶇而歿呼天以明其心亦
古之烈丈夫哉方其破兩粵下衡陽義聲先路所
在引領使可望等同心齊力雖汾陽臨淮之勛可
希也何乃形勢偪而猜忌成嫌疑積而戕賊併分
疆疾眎其穴門很坐使菁英凋喪不可收拾夫天
縱窮兇旣及家國雖揮魯陽之戈莫填精衛之海
斯時北望燕雲而

天兵直下薄海歸心嗟乎李晉王之所懷又何可
告哉至白文選間關異域感泣風雨其捭於部將
不能引決則有之後之言者倘見原焉

案明史桂王傳於王歿後大書李定國卒是定國
之卒若有關於明之末數也摭遺補傳大旨與蕞

鄉所論若符契儻亦不肯於史氏騰褒裁貶之餘
意邪 丙申之春定國奉王居滇恨馬吉翔之朋
紆亂政也亟遣斬統武捕之并繫其家人將殺之
吉翔乃鼓其術日媚統武及定國之客客與斬俱
墮術中爲之延譽於定國前且微白其寃定國閱
之召之入吉翔卽匍匐言惟王再造功于古無兩
幸望見顏色歎且不朽他是他非不敢辯也言旣
涕出敏頭不止定國喜乃釋之後益諂其客令憇
忠定國薦已入聞龐天壽亦再用吉翔與客竟蟠
結中外盡握大權如故客也者金維新也時賁綠
官至吏部侍郎密敕之獄吉翔危及中官矣讀吳
文忠傳下直令人髮指不減於曹瞞之逼伏后事
雖未行臯實通天柰何李晉王初欲殺之終則怨
之暱之亦何能免於後世之譏邪至於王之剛斷
不行復起吉翔天壽則又烏足與議也已哉

孫賊之僞稱國主也方于宣譖事尤甚爲之撰國
史奉獻賊爲太祖比莊烈於桀紂作太祖本紀已
言帝星明於井度三牋勸進後孫賊爲定國所敗

卽拔營挈妻子以所部奔降

本朝于宣恐旤及卽投書定國自辨時錢邦芭爲
巡撫抗節効死人心傾嚮于宣又上書願糾義旅
禽可望自効那芭覽之大笑禽以一絕云修史當
年筆削餘帝星井度竟成虛秦官火後收圖籍猶
見君家勸進書

鄭成功南安人其母倭嬪也本名森生有異表父芝
龍攜之謁唐王王故無子奇其貌賜國姓改名成功
命典禁旅日侍左右輒以駙馬都尉體制尊寵之丙

戊春三月封忠孝伯福州破母歿於兵號慟不自勝
後芝龍議降持裾泣諫不納及北去成功與其客及
所部乘巨艦入海收集餘衆數千據南澳居焉芝龍
初爲海寇以泉州桑梓地侵漳而不侵泉故漳人議
勦泉人議撫福建巡撫沈猶龍招之降旣歸朝屢平
劇盜積官至都督同知劉香老之亂福寧按察使會
櫻以百口保其平賊得奏功甲申冬十月福王命充
總兵官鎮守福建明年封南安伯遣兵入衛其弟芝
虎有勇冠軍以禽香老歿于海次鴻遠亦充總兵官

守鎮江再次芝豹與遠之子彩並爲水師副將唐王立芝龍鴻遠以定策勲皆爵爲侯盡握中外權芝豹彩亦進封伯一門勲望聲燄赫然王優禮甚至時大清兵日逼招撫使黃熙亂者晉江人也以同里故說芝龍歸命芝龍囚之密使通款初芝龍定助餉例有官助紳助大戶助之目預征賦稅大鬻爵官王趣使出兵每以餉絀辭及王親戎意決將行推轂禮無已迺命鴻遠爲帥號稱出浙東以彩爲副出江右強事出關未越五百里卽疏報餉竭而還會浙中魯藩

監國都督陳謙奉使至芝龍與有舊遂引之入見啓函稱皇叔父王怒下謙於獄芝龍疏救不聽御史陳邦芑密奏謙爲魯心腹與鄭氏交最深不急除恐生內患王因卽命誅之或以告芝龍芝龍曰刑人於市必經吾門吾且命停刑願以吾官贖謙歿比入朝王故留久語至夜半移謙於佗所斬之芝龍奔赴伏屍慟哭厚葬之爲文以祭有我雖不殺伯仁伯仁由我而歿之句中懷怨悱去志遂堅尋揚言海寇來犯須邀備禦令守關將施福盡撤兵還安平拜疏卽行於

是仙霞嶺二百里遂爲空壁及大兵之入竟不煩一矢加遺矣安平爲芝龍築城自居之地未幾芝豹亦棄泉州奔回共保此鎮水陸畢備軍容大盛外雖示武而內已納款然猶思以輔立唐王爲臯時我朝命帥貝勒王招以書曰我之所以重將軍者以能立唐藩也人臣事君必竭其力力盡不勝天則投明而事建不世勛此豪傑之舉也今兩粵未平鑄閩粵總督印以待芝龍得書大悅卽奴其衆奉表出降諸將力諫弟姪輩及成功皆痛哭勸止曰魚不可脫於

淵也不聽竟投福州大軍見貝勒握手言驩折箭爲誓痛飲三日忽夜半拔營挾以北去從者五百人分隸各旗莫能相見芝龍因言吾子弟素非馴良今擁兵海上脫有變奈何貝勒曰此無與爾事亦非吾慮所及者旣後永明王立成功歸自南澳泊鼓浪嶼寇海澄與鴻逵合攻泉敗我守將趙國佐於桃花山復攻同安漳浦己丑春下雲霄薄詔安屯分水關秋七月王遣使詣島封廣平公庚寅潮人黃海如邀成坊入潮與大兵戰兵卻迺乘流至中左所卽廈門從

兄聯據此成功至聯方醉卧萬石巖不得通詰朝相
見笑曰兄能以一軍假我乎聯不及奮諸銳突前輓
其舟部下皆讐服聯亟竄入金門愬於彩彩將全軍
出避聯沮之而又不爲備金門浯州也與廈門並隸
同安爲兩島成功馳至夜襲之遂雄踞兩島間兵勢
日強海寇之在東南者盡歸心焉是冬大兵破廣
州總督杜永和奔瓊州明年成功率兵南寇時黃澍
久受職出爲福建巡道密與撫臣張學聖謀垂涎金
穴邀鎮將馬得功乘隙潛遣傾其家成功恨之刻骨

稱索償迺并力轉攻沿海屬邑皆下之初芝龍出入
海中每一海船例入金三千不得鄭氏旗不能行也
以故富與國埒壬辰春定西侯張名振大學士沈宸
荃兵部侍郎張煌言奉魯監國航海至入居中左所
成功禮待頗恭夏五月成功進圍漳州凡七閱月城
中糧盡人相食炊者枕籍有士人饑歎鄰舍兒竊食
之剖其腹歷歷皆故紙字蹟可數鄰舍兒亦一慟絕
矣已援師至屢獲勝仗成功退保海澱海澱被圍城
壞百餘丈成功親冒矢石堵禦得以全一日空炮遞

發成功令曰是將臨城矣勒兵挺巨斧眎敵之緣城者斫官兵渡濠大呼登城城上衆斧齊舉隨斫隨落濠爲之平圍遂解甲午魯監國徙居金門自去其號成功禮待少懈會我

朝下令招安芝豹等皆就撫去成功不順命乘機登岸措餉大擾福州興化等郡冬復議撫局成功不應芝龍芝豹俱遣戍遐方乙未寇仙遊破舟山暨惠安同安南安等邑丙申進畧溫台還攻寧德殺我守將阿克囊囊旣墜馬猶手刃數人以歿及戊戌永明王

命周金湯航海至進封成功爲延平郡王遂議大舉入寇從行甲士凡十七萬以五萬習水戰五萬習騎射五萬習步擊以萬人爲進來策應以萬人爲鍊人鍊人者披鍊甲繪朱碧彪文聳立陣前砍馬足最堅銳以侍郎張煌言爲監軍抵浙境陷樂清寧海等邑比次羊山颶風怒發碎巨艦百餘漂沒士卒八千餘人義陽王者亦溺歿成功廢然返明年己亥五月復出崇明入江抵京口奪瓜洲圍鎮江大軍分五路疊壘而陣成功令周麾傳砲金鼓震作與江聲相沸騰

士卒皆下馬殊死戰郡中患寇降相繼屬邑皆下部
將甘輝進曰斷瓜洲則山東之師可扼據北固則兩
浙之路不通但須坐鎮於此南都可不勞而定也弗
納竟薄金陵至觀音門已而登陸屯岳廟山輕敵不
備縱酒爲驩煌言與輝竝苦諫以嚴城師老猝不得
拔必生中變復不納久之大軍由儀鳳門穴城出衝
枚疾走直搗中堅別以騎兵數萬繞出山後夾攻之
遂大潰諸將北走不相顧甘輝以數騎奔江口被執
死之成功急麾兵退以舟遜及崇明攻之不下棄而
取徽寧諸路也庚子夏

歸冬十月還島痛哭甘輝而後入曰試從其言不及
此令立廟旌其忠時煌言先已自領所部由蕪湖進
王師進討以廣東降將爲尊大小數陣殺傷相當泊
戰海上我軍不諳海性暈眩不能成列成功手自舉
旂風吼濤涌我軍退多陷於淖將軍達素者自殺辛
丑成功議奪臺灣臺灣強富爲四省之要袤延三千
里初芝龍與羣盜出沒其間後爲紅夷所踞成功自
江南敗歸勢漸蹙亟思拓地三月以百艘泊澎湖次

鹿耳門曷維水淺沙膠必紆折數四始攏岸至是潮水驟漲高丈餘揚帆直達夷人驚怖莫措遂克赤嵌城進逼王城城爲荷蘭所居久不下冬十月我朝棄芝龍於柴市鄭氏子孫之在京者無少長皆伏法十二月成功悉力攻荷蘭城曰斯爲先人故土所志在地餘仍以歸汝荷蘭乃出降成功旣克臺灣卽以安平鎮名之制法律定職官興學校修武備大起池館延納名流以赤嵌城爲奉天府縣曰奉天曰天興萬年成功擾亂海疆迄於僭立凡十七載 康熙

元年壬寅五月卒年三十有九臺人以其弟襲爲代時長子經出守廈門計至經自稱招討大將軍嗣立我帥靖南王耿繼茂總督李率秦遣人持書招之經請如朝鮮例不報是冬臺人謀奉襲拒經經領兵克之遂入臺癸卯永明王終而經猶奉永祿之號旣而王師南征逼兩島兩島之民爛焉至七年戊申

詔大臣明珠蔡毓榮赴漳檄興化知府慕天顏達撫之經仍以朝鮮事例爲請後吳三桂據滇黔巴蜀以叛耿精忠亦以閩叛精忠先與經交惡常從漳泉間

相叔殺旋復和

王師屢出勦撫並加不遜十四年乙卯經據有泉潮漳韶惠汀興邵入郡地又三年安溪鄉官李光地以蠟書上勦寇事宜尋

王師戰於龍虎山斬首四千級擄獲千二百人叻溺者以萬數及二十年辛酉六月經卒長子克壘嗣偽稱監國實非鄭氏出經母董卽收殺之以次子克塽嗣諸地侵削兩島亦覆僅守臺灣以處越二年夏

王師發銅山抵澎湖澎水故鹹師至味忽甘壘戰十

數陣戰艦被焚者數百甲士歿傷者無算克塽勢不支決計納款遣其將劉國昌馮錫珪等齎延平王招討大將軍金印各一公侯伯及將軍都督銀印五籍土地戶口府庫軍實詣軍門降時康熙二十二年癸亥秋七月也克塽入都歸漢軍授公爵鄭氏自成功迄此凡三世竊據三十八年自是海宇悉平

據遺曰澎湖之水於鄭氏亦異矣哉水漲則興水甘則亾成功內寇於岳廟卜有羽士以琰詞示之曰青海到門宏大業白波回味起重城噫卽此僭

亂數十年亦神乎其兆矣臺灣舊無城惟紅毛城在西南角爲荷蘭所居鄭氏之故宮在焉

國朝因之特設郡縣北園及海會寺皆其別館以畱待賓客者澎湖爲臺海門戶鹿耳門則臺海之咽喉也當成功時有遼王之後衍桂者稱寧靜王渡海來依駐澎湖口旣敗衍桂以王印授塊投縵灰其妾五人袁氏王氏秀姑荷姐梅姐俱從縵塊旣投誠受爵於庚辰春乞歸葬其祖與父許之於是成功及經之喪得歸葬南安

撥遣補曰臺灣自生民來不通上國迨崇禎時芝龍爲盜始屯聚於此旣而受前明招撫之命又棄之及丙戌芝龍降於我

朝其子成功不從聚其故部據有廈門金門二島以侵軼中土己亥大舉自江寧敗歸始取臺灣定爲老巢而遑來二島間爲窺釁計壬寅成功沒其諸將如施琅黃梧等先已降於我至二島旣平成功子經遁入臺灣兵不及萬船不滿百勢稍衰康熙十有二年三藩難作靖南王耿精忠反於福建

次年始乞師於鄭氏臺人大喜亟渡海而西閩中
故皆鄭氏恩舊精忠之海澄總兵趙得勝首約同
官劉國軒等皆附于經精忠始愬經遣人說精忠
借漳泉二府以治兵精忠難之經怒遽取泉州南
取廣之潮州次年又取漳州精忠大愬吳三桂累
爲精忠請令畫楓亭之界守之然不獲成次年三
桂令尙之信割惠州賂經重申盟然鄭氏不旋踵
取汀州復大振精忠勢失迺歸朝至十六年

王師收復邵武興化漳泉之地經遁入廈門其潮

州守將劉進忠亦出降經遂棄惠州去明年春鄭
氏復出沿海洲堡連下十數處時其驍將曰劉國
軒曰吳淑曰何祐而國軒尤競於是總督郎廷相
檄調官軍四路合勦大戰兼旬提督段應舉戰於
祖山大敗奔入海澄國軒取平和還圍海澄斷塹
環椿飛鳥莫能度沿海之士從者如雲至夏六月
海澄食盡城陷應舉自縊歾之官軍失陷三萬餘
丁馬萬餘匹國軒乘勝復下漳平長泰同安畧取
南安惠安安谿永春德化諸邑秋七月圍泉州號

棚十萬至九月始解泉州圍而力攻漳州鄭氏乃大會二十八鎮兵爲十九寨列烽相望國軒以十七鎮精兵三萬軍於西吳淑何祐以十一鎮精兵二萬軍於南請與大兵決戰於龍虎蜈蚣二山之間聲勢浸大官軍中餒餒戰不利久之恃勝兵驕而制軍姚啓聖譴調度咄飭諸將出不意奮擊之連破十六營士卒歿傷以萬計國軒泗水遁奔還海澄官軍遂復長泰同安是冬議撫制軍遣中書舍人張雄入廈門說之經不從旣而用間言械

鄭氏大將及五鎮兵十九年正月官軍逼海壇鄭氏戈船將朱天貴叛降卽用之盡破其水師十九寨國軒茫然失恃遂棄海澄入廈門追兵逼之國軒復棄廈門金門奉經入臺灣其時成功之妻董氏尙在堂數經曰汝父之業衰矣汝輩不才子其更無逞也初閩人當成功之世內輸官賦外又竭應鄭氏之餉歲以爲常奸民因而盜竊日出事滋於是有遷界之議定沿海之界而遷之域內出界者歿被遷之民流離蕩析又盡失海上魚蜃之利

而閩益貧已而耿鄭之亂交作殺掠所至不知誰
兵閩中駐一王一貝子一公一伯將軍都統以下
各開幕府所將皆禁旅無所得居則以民屋居之
無所得器械則卽以屋中之器械供之無所得役
則卽以屋中之民役之朋淫其妻女繫其老幼暗
啞叱咤稍不如意垂楚橫至日有歿者加以飢饉
而民之存者寡矣及鄭氏奔入海澄耿精忠奉

詔入京界始復開而民困少蘇時鄭經有嬖人施
亥者制軍密招之令禽經以自歸事洩會經歿嗣

子克塽年少其行人傳爲霖通於我將聯續順公
沈瑞以覆鄭氏續順公者先爲明將名志祥自遼
左來歸已有恭順懷順智順三王之號故號以續
順其後鎮閩移粵耿逆時并其軍遷之饒平鄭氏
攻饒平而獲之遂以入臺迺與官軍通密糾十一
鎮同日發難事泄瑞等歿國軒居臺而被刺者再
鄭氏以此益崩剝不知所爲方施烺之叛成功而
歸埔也我 朝用爲水師提督旣以出兵無功召
入京至是以督臣薦仍領水師出以康熙二十二

年夏六月師下澎湖國軒守娘媽宮颶風夜發潮
立如山煨軍前鋒皆爲急流飄楸國軒自將精兵
二萬自牛心灣出別遣部將以精兵萬自雞籠嶼
出夾攻之集矢於煨之目煨患已而澎湖水驟長
官軍因復進其降將朱天貴先達大敗國軒軍降
者甚衆而天貴亦爲國軒所斬國軒力竭由吼門
逸去先是漳浦有道士黃性震者自臺出降自言
能得國軒要領制軍姚公官以千戶使奉密書說
之國軒曾以書來報至是性震故洩之于是鄭氏
君臣相猜既敗欲更出門而人心已渙失 大兵
遂由鹿耳門平行而入秋七月甲午國軒以鄭氏
降繳上成功所遺延平郡王漳國公招討大將軍
忠孝伯御營都督等印信除道出迎八月癸亥
大兵入城臺海始盡隸版圖云

又案是役也勛實出於閩督姚公啓聖而施煨
貪其功上之姚後疽發背卒鄭氏之初興也屢
門有浮石其文曰生女滅雞十億相倚丁庚小
熙十億者兆也倚以女姚也酉者雞也成功之

賜姓歲在酉而天賞早有以告之也本傳於成
功卒後經以下事蹟从簡蓋以永明旣殂則勝
朝之餘氣已絕而經也克壞也據險負固我置
是寇且隱有自王志矣夫芝龍不過一吏人子
耳少時以投石見相以拜劍得魁踞島數十年
壇立迄三世洵非草竊倖致者比據遺始末麤
具茲并及夫臺海歸誠之畧云

增注芝龍父紹祖家于南安石井里爲泉州庫
吏府治後衙與庫隔一街相望芝龍時十歲戲

據遺卷十

三

投石子誤中太守蔡善繼額擒治之見其貌奇
之曰法當貴且封笑釋之不數年芝龍與其弟
芝虎流入海島爲盜渠者沒衆無所統例禱于
天蓋貯米一斛插以劔使各當劔拜拜而劔躍
動者天授也以次至芝龍載拜劔躍於地衆咸
異之遂推以爲魁

釋史據遺卷十一目錄

吳郡李 瑤子玉纂

勛戚世祿諸臣列傳

徐弘基 子文爵從子仁爵

李昇

李錫祚 弟錫貢

劉永錫

鄧文昌 常元亮

湯南金

常延齡 徐逸度

劉文昭

劉孔和 沐天波

故明勛臣六王之後於三百年來保延分玉誓

據遺卷十一目錄

絕耐金所謂與國同休戚者也一旦赧王銜璧

公族投戈賁角喪心竄求苟活眈眈故國不值

一敝屣耳於戲以明祖之靈五王之烈而愿有

是臣有是孫乎自徐壯武而下十人不獨為門

戶一洒其辱雖與日月爭光也可懷遠侯蒼谷

抱節不渝而溫氏謬入迎坳之流特為表辯而

大書其名彼逸度雪舫節之者皆無媿於故家

喬木也黔國公沐星海事畧見前史其不避難

難至罹既以歿節尤可憫也特補傳

繹史摭遺卷十一

列傳十一

徐弭基字紹公中山武寧王達之後世居大功坊里崇禎時襲爵魏國公守備南京甲申夏四月諸大臣集議其是迎福王於江浦及王監國奉寶以進奉使祭告孝陵晉左柱國既而與馬阮忤決志乞休以子文爵嗣職明年率妻奴投吳江袁進士世奇家避蹟焉日惟大布深衣徜徉隴畹貌魁梧須垂過腹有異度所至邨童牧豎輒隨之游亦藉以自遣世奇性高

摭遺卷十一

濶郡紳多避兵其室咸以魏公位望素隆勸作匡復計弭基頷之卽樹幟募練鄉勇得千數人凡附近邨堡令按戶出資助饗有陸醇儒者雄於財亦佻達選事會其弟某偕客過莊舍弭基邀致之踞坐相見抑之跪勒之書饜某堅弗承迺摯諸閭陬困苦之客獨脫歸以告醇儒思亟懸重賞糾衆先總兵黃蜚潰降部下田勝嘉收合楸亾出入湖泖間顓事剽斂醇儒具厚幣乞援復得亾命三百人乘夜發難密遣健從登袁屋劫其弟去乃集衆進攻于是袁徐兩姓家屬

及避兵諸紳無少長悉被慘僇而沉尸於湖弼基挺
矛奪門出投分湖葉氏葉思旤縛而致諸陸陸捨之
柳樹下趣軍士蠶槍擊斃之其子文爵年十五被圍
時登屋頂發矢三殪三人衆至被執亦叢箭歿袁氏
家爲田陸所傾裝兩巨艦分道揚帆而去永明王聞
弼基之倡義被害也閔之賜諡壯武其從子仁爵初
從魯藩于台州及監國後以功封定南伯江上師潰
扈從入海尋偕張名振攻崇明戰敗沒于海

據遺曰明史中山王傳增載弼基卒諡壯武子文

爵嗣濫氏亦仍其譌蓋以乞休之時爲卒以粵中
之賜諡爲南都事也此魏國公傳正足以證舊史
之闕

李昇字東君岐陽武靖王文忠十七世孫耽吟詠譚
騎射甲申年才十有四襲官都督同知北都急史可
法檄召諸鎮部兵勤王昇詣軍前自陳曰君父之難
臣子思弗能奮飛赴救昇請爲前鋒疾馳而北挫賊
銳得五百人足矣可法壯其言然以童子也姑實之
翌日大閱京營昇彎勁弩一發九矢皆破的可法大

喜會師未齊而凶問至遂已南都立誠意伯劉孔昭與馬阮濟姦害正昇積憤甚一日遇孔昭于塗戟手毒詈孔昭大恨劾之罷可法乃招遄揚州命參軍事讎遇之昇短小精悍不辭勞瘁尋得嘔血疾歸明年南都亾忝天台山削髮爲僧丙戌浙東不守魯監國入于海作詩傷之云徒聞絳幘離淝水旋見青衣出洛陽又天下猶懸唐日月海中莫恃漢金湯遂痛哭發狂歿其族人錫祚與弟錫貢以有舅聞偕謁舟山命佐蕩湖伯阮駿守螺頭門 大兵三路下駿以舟

師陣於橫水洋擲火球燒戰艦風反轉擊駿面爛焉錫祚趣救亦被創同投于水歿舟山城破錫貢勒兵巷戰馬蹙被獲至四明見殺孔昭子永錫年十七亦航海相從赴崇明之戰敗績與徐仁爵同日歿世稱郁離公子真粹且角者不愧文成十五世孫也

據遺曰舟山殉難總總林林而於李氏二子獨不錄海師遄來備詳諸傳而於郁離公子槩勿書善夫有志之士奮身爲國而各與之俱湮者又何可

更僕數也

鄧文昌字汝言寧河武順王愈之後魏國公弼基之
女夫也南渡時任後軍都督左兵東下馬士英盡撤
防河諸軍以禦文昌詣朝門力爭之反覆陳說利害
士英語塞厲聲曰公勛臣無預國家大事文昌愴然
歎息出遂棄官隱於繖山之天開巖旣聞閩疆唐王
立卽航海赴闕王嘉之命襲封定遠侯加中府屢疏
請王出關爲恢復計王優旨畬之掇於鄭氏終不能
用其言也比王幸建寧命與大學士曾櫻留守福州
大兵至櫻避之海文昌慷慨誓義妻氏徐先仰葑歿
文昌卽自絕其吭以卒年僅一十九閩人哀之合葬
於城北芙蓉嶺下

據遺曰鄧侯之兄名文郁於南都覆時偕中山徐
允爵弼爵開平常應俊岐陽李祖述東甌湯國祚
輩爭先迎降雖曰達天知命然棄故國則如敝屣
耳若定遠侯荷戈衛國守死不移是歿於一朝而
生於千秋也且彼夫嬾皆少年而獨能明於大義
其氣壯其志烈其忠貞爲世所不可及允足爲門
戶一洗其玷彼其兄文郁者直生於一時而歿於

千古已徐氏傳見列女

常元亮字亦陶開平忠武王遇春之裔愷爽尙氣節與湯南金者爲詩友南金字廷獻東甌襄武王和十三世孫折節讀書國變後隱於都梁力耕自給元亮嘗以大雪中過訪艸舍三間糝雪滿地南金危坐一隅高詠弗輟兩人清談竟日然糠煨芋各食一器而別南金於崇禎末官錦衣衛指揮使南都立以將材薦未幾以馬阮故堅乞放還遂不與世接及戊戌聞粵地盡失永明王入于緬竟斷粒卒南金旣卒之明年元亮因鄭成功長江之役無功而返誓將航海說之重舉訣妻子告墳墓微行之澈浦之乍浦覓渡不得轉之甬東復不得迺憤絕蹈海歿

據遺曰之二人者一則踽踽涼涼惟恐其不歿爲辱姓一雖高自位置亦惟恐不歿爲辱身吁得南金而六王者皆有所後矣

案溫氏於赧王出賁書公卿之投款者二十八於徐允爵下有常延齡名楊氏曰是誣也是編體例未善猶小焉者誤事而弗覈何以傳信來

茲夫喬石之志當與徐逸度劉雪舫竝傳而乃
等於崩角稽顙之流紀載失實莫此爲甚則又
不可以不辯也因立懷遠侯傳

懷遠侯常延齡字喬石號蒼谷開平十二世孫有大
志襲封官錦衣指揮遇事敢言崇禎中疏陳時政凡
十二上帝爲嘉納熊姜獄起抗章請釋二臣梟又致
書首輔周延儒以文彥博救唐介故事相激勸朝論
蹙之福王立馬士英薦起阮大鍼迺與給事中羅萬
象應天府丞郭維經等具疏劾之不報卽挂冠去乙
酉後與妻氏徐中山上公女偕隱金陵湖塾種菜爲
生晏如也歿後無以殮友人醵金葬之雨花臺側

乾隆初侯之孫名執桓者乞詩諸名下一時競賦
開平王孫種菜歌以紀其事案錢秉鑑田間集云
金陵城東湖執邨中有隱者開平孫通侯甲第今
已矣意氣豪華無復存開平去今凡幾代五王之
後惟君在遑咎爭言青門瓜如今獨數湖孰菜又
厲鶚樊榭山房續集云中山同志有賢頌曲折天
吳移舊繡誰知偕隱灌園人俱爲異姓分茅後幾

稜荒畦非賜田晚菘早韭資寒泉可憐一紙鉏鉏
疏却裹長街賣菜錢

遂初老人徐逸度以字稱中山之裔國變後自諱其
蹟棄家遠遜以挾崑山李氏子同竄疇之以伯仲遂
姓李以來南故遂名南世或有言李南詩者非真姓
名也其先人系於外家呂氏官韶州府同知逸度自
粵遘難間關至泐隱於杭東郭之艮山賣葯自給不
與世通所交惟佚民徐堅石施蕙農數人疾革時子
嘉錫跪牀下請宗姓及名瞋目叱之終不言故若子
若孫終不知氏之所自卒年八十有五其爲詩歌多
可嗟可泣語率不存存者惟楚歸吟邨居漫興二卷
前後梅花二百詠而已

逸度行事無所表見賴仁和處士吳穎芳爲之傳
穎芳得之金厚餘厚餘得之其師徐堅石

新樂小侯劉文焯號雪舫兄文炳爵新樂侯故稱甲
申之難文炳闔門殉節具明史其姑卽孝純皇后生
母也文焯年才十五逃回海州故里已而變姓名避
人至袁浦流寓珠湖惟與一二遺老爲觴詠計嘗有

句云去住向誰商出處飄零到我負平生可善也

長山劉孔和字節之爲大學士鴻訓子少年任俠自喜以知兵稱詩文多奇氣結納敢效之士置酒高會京師陷卽楸財集兵數千屯長白山殺僞縣令引衆南下時劉澤清開藩淮上以同里故舉所部屬之後見澤清不道屢侮之澤清怒令健兒二十人拉之歿裂其尸

吳梅村詩贈雪舫云叻姑備官掖吾父天家婚長兄進徹侯次兄拜將軍又云我幼獨見存貧賤合

據遺卷十一

八

依人或言雪舫嘗從事於幕府則信矣節之在淮時與逸民間修齡再彭靳茶坡璧星譚及遇害二子出重金購其骸竟弗得漁洋詩話載節之聽琴句高梧修竹曉沉沉待子垂簾拂素琴聽盡明光三十段碧池涼雨一時深可想見五陵公子之風致也

據遺曰管莊烈帝以文武大臣不足用而思得勛臣戚臣曰此屬究是吾家臣也至國變則於劉氏見新樂於張氏見惠安於鞏氏見都尉皆戚畹也

至南中勛鎮則見朋紆誤國者有首先迎附之趙
之龍斬關而遯之劉孔昭其他匍匐泥淖之公侯
伯駙馬數十人而已而孔昭遯後更有翻覆以冀
自洒處益足以彰其辜蓋矣故由南渡而下閩也
澗也粵與滇黔也祇見一沐國公天波耳若思陵
時之李國楨身實降賊受榜掠歿而其家迺行賄
南都寘之殉節之列以崇祀報功不知與吾卷中
諸君子地下相逢當作何狀因補沐公傳

沐天波字星海黔寧昭靖王英十二世孫雲南定遠

人賦性謹厚以崇禎初襲爵鎮守滇黔尊賢禮士時
譽歸之當莊烈之世歲貢方物紆誠無間嘗得手詔
褒美家本饒於資凡四方文學游俠之士亦多出其
門乙酉秋八月元謀土司吾必奎反連陷武定祿豐
楚雄諸郡縣天波檄調官軍及各土司會勦冬十月
寧州土官祿永命石屏土人副將龍在田偕官兵擊
敗必奎禽之永命在田皆隨從總理熊文燦出征
殺賊有功者時有阿迷土司沙定洲亦以奉調領兵
後至至則必奎已伏法亂既平定洲自以爲徒來無

功巡遠城外不卽歸會有奸民饒希之余錫朋者嘗於天波第中以貨寶玩爲名積久弊生索負天波金至巨萬無以償比詣各土司營中貿易甚誇沐氏富埒國定洲心動陰結城中都司阮韻嘉張國用袁士宏等爲應以十二月朔入城辭行直天波家忌謝勿見定洲入門輒大聲喧譟其下蜂起焚劫天波倉猝由水竇以逸時祿永命方與必奎黨餘拒戰畱從官周鼎止防禦城中天波疑鼎止見誘執殺之遂走楚雄其母氏陳妻氏焦亦走城北普吉村之金井里當夜舉火自焚歿定洲因盡得沐氏所有盤踞會城劫巡撫吳兆元具題請代天波鎮滇潛至祿豐執故大學士王錫袞於家脅與兆元傳檄郡縣皆不屈是時龍在田駐安寧聞變與祿永命各引所部歸其初阿迷土司爲普明聲也明聲歿其妻萬氏撫有其衆萬江西寄籍人狡而淫嘗選部下丁壯更番入侍其將沙源諸子定海定洲等皆與之私久之無以服衆竟贅定海爲婿已復嫌其樸陋而定洲少年白晢迺賊殺定海而更贅定洲其子普服遠恥之分黨以居未

幾服遠憂抑歿定洲遂兼有安南阿迷之地至是作
亂萬氏聞之驚曰吾家當敗此賊手謀自至省執以
投誠旣至見其聲燄赫然資用饒足且起居八座尊
若王者更喜過望天波至楚雄沙賊悉兵追之時金
滄道副使楊畏知以調禦吾必奎駐軍楚城與天波
計曰公之所在賊必專力困之城其危矣公不如西
走永昌使楚得爲備賊若西追則恐吾斷其後賊若
攻楚則恐公自西來首尾牽制斯上策也天波從之
比賊至城閉不得入遂分遣其黨攻陷大理蒙化屠
僂萬計畏知乘間繕完城守撤民入居築隍於野示
久持意檄調漢土兵馬以遙應之明年丙戌賊還圍
楚雄力攻久之不下城中間出奇兵擊殺賊衆無祿
至夏賊稍懈引之而東攻石屏龍在田堅禦却之賊
乃轉攻寧州破之土司官祿永命自殺賊乘勢更下
嶲峨土官王克猷歿於路石屏憇偕其黨許名臣
竄入大理於是迤東諸郡盡陷於賊賊復薄楚雄誓
破之連結七十二營城中守益堅語見楊畏知傳丁
亥獻賊伏誅孫可望李定國等以殘卒由遵義入黔

龍在田遣使告變勸其至滇可望因詐稱黔國焦夫
人弟帥兵復讐雲南苦沙亂皆延頸望之而不知其
爲僞而旤之有甚於沙也三月可望入滇賊解楚雄
圍戰於革泥關大敗遜歸阿迷可望乃使定國徇迤
東而自率兵西出畏知不從禦於啓明橋戰敗被執
可望好言慰之自誓洒心其扶明室畏知乃以三事
要之曰一禁用僞西年號二勿殺百姓三不准擄淫
婦女皆許之折箭定盟至大理龍在田許名臣俱出
降遂具書招天波歸言如畏知所約天波遣子報命

永昌通判上杭劉廷標推官夾江王運開竝不屈歿
可望厚遇天波子陰使其黨劉文秀隨之馳度蘭津
至永昌會天波與鄉官龔彝等於北城樓乃攜之同
畏知等詣省迨戊子李定國有憾於可望可望使之
取沙定洲自効初沙賊之歸屯兵洱草竜與萬氏分
險以守其下湯嘉賓陳長命等各據一山爲犄角勢
私與交趾通借其聲援固諸蠻心一日燕集嘉賓營
定國偵得之帥兵掩至圍以木城絕其水道困至百
日諸蠻思多出降遂禽定洲及萬氏凡沙氏之屬得

數百人械送至省聲其辜剝其皮號令通衢於是天波具衣冠謝雪祖宗之恥與母弟妻子之讐先是天波弟天澤官都闖於賊叛時領部下巷戰被執歿之故天波深以爲痛滇人之向被沙毒者亦靡不謂快時可望連踞滇黔妄稱國王而定國自得蠻部後聲勢日強遂抗不相下比粵中事去永明王遷駐安隆至丙申定國敗可望軍於田州可望怒遣白文選來將刼駕赴黔太妃以下徬皇莫措皆相向哭文選心動亦不直其所爲乃陰留俟定國定國至奉王由安

南衛西走雲南劉文秀守滇亦怨可望王至卽納之天波出迎於馬龍驛晉柱國少師丁酉可望反戊戌大兵三路入黔貴州不守己亥王發雲南由木邦土司以入騰越命天波護行警至乘夜走南甸備極艱苦時勵攜一妾夏氏隨諸宮眷以行及抵緬境王命天波趨入銅壁關以敕書諭之緬人啓關勒從官盡去甲仗而後入進至蠻漠土官思綿迎之土司城而緬以敕寶差小不足信有異議天波迺出黔國公餽券較之始肯具舟來迎及抵井亘緬戒勿進時定國

兵駐孟良白文選兵駐木邦祁三昇兵駐蠻漢緬人
疑遣使求救止各道兵毋許更進天波與綏寧伯蒲
纓謀奉王乘間走戶臘二河不許比入赭硜緬人迺
編木爲城築土臺以實車馬構板屋十數間爲王居
餘則結草數十架以棲從官不足則各自誅茅椽處
聊芑風雨而已諸蠻男婦紛至沓來易悔之王初入
緬猶供給如禮浚次而衰後羣從有四三日不火食
者采木子蔬果以慰饑天波迺盡出所有分界之潛
與錦衣指麾趙明鑑等籌使密奉世子出坎時罷天

壽已卒李國泰代掌司禮監印馬吉翔與之左右作
紆衆議逸出後并殺翔泰事洩明鑑等歿者十又七
人於是內外莫絕不復通緬俗歲以中秋日爲大會
羣蠻來朝王欲誇示之亦將爲好於緬酋也命從官
盡効其裝椎髻跣足用臣禮見天波不得已遣歸而
慟哭告於衆曰國體何存辱及吾祖吾之所以苟忍
屈行者恐驚憂至上耳否則彼將無狀吾臯滋大然
後此亦何堪哉自王入緬之三年辛丑秋七月二十
三日咒水旣作緬人計殺諸王勛戚文武內監諸臣

凡四十二人天波與焉其妾夏氏聞之亦自經是冬十二月永明王遂爲緬人所執

據遺曰右勛戚世祿諸臣溫氏俱失之勵於粵中紀畧載沐國公名凡數見而已此卷自徐壯武而下十又二人俱得諸吳興楊氏之說楊氏曰故明勛臣六王之裔世襲公侯咸與國相終始當其陪京賜葬當邇孝陵劍舄衣冠愴焉如昨彼徐允爵輩履寢園之霜露懷草昧之風雲曾不聞激發孤憤而低首下心苟且偷活直醜然人面者後之振旅金山望陵遙祭而三軍皆瘖哭者獨何人乎惟卯基而下諸君皆能致命遂志無忝前人昔人謂褚彥回曰人笑褚公至今齒冷則凡甘爲臣僕者倘亦少知所媿邪金陵贖事言

王師之下金陵也勛戚自少保兼太子太保總督京營戎政忻城伯趙之龍而下庶官自太子太保禮部尚書兼翰林院學士錢謙益而下躬率公侯文武數十百人報名郊迎時大雨如注我豫王前導過麾之弗敢起王過馬蹄蹴之亦弗敢起北來

將士多以馬鞭敲其紗帽作閣閣聲并弗敢仰眎
及聞王命且勞之迺羣然斂頭嘖萬歲而後起吁
是皆三台八座嘗食祿萬鐘而誓丹書盟白馬者
也苟不有黔寧沐氏之全家殉國中山徐氏之倡
義滅身岐陽寧河之以少年盡職而亾開平東甌
之以孤隱蹈海而沒則明祖在天之靈與五王者
豈不蹙額而痛心也哉

懷遠侯蒼谷自溫氏一語之譌遂使受誣百年
雖有錢田間厲太鴻歌詠表章而讀溫氏書者

據遺卷十一

夫

恐不能無惑也今勘本原文下注明而據遺補
傳於此與逸度竝著之雪舫節之事迹弗詳姑
存其概

沐國公傳入緬後事與緬甸盡難任御史傳下
書後參看然詳於彼則畧於此非同文也

